

<b>HELAIAN PENDEDAHAN PRODUK</b>	<b>Etiqua General Takaful Berhad ("Kami")</b>
<b>Sila baca Helaian Pendedahan Produk ini sebelum anda membuat keputusan untuk menyertai Takaful Kenderaan Persendirian Komprehensif. Pastikan anda juga membaca terma-terma dan syarat-syarat am.</b>	<b>Takaful Kenderaan Persendirian Komprehensif</b> <b>Tarikh : 22-Mei-2019</b>

**1. Apakah produk ini?**

Sijil ini memberikan perlindungan takaful terhadap tuntutan dari pihak lain bagi kecederaan atau kematian, kerosakan kepada harta benda pihak lain dan kemalangan yang bukan disengajakan atau kerosakan akibat kebakaran atau kecurian kenderaan anda.

**2. Apakah konsep-konsep Syariah yang digunakan?**

**Wakalah**

Produk ini menggunakan konsep Wakalah, di mana para peserta melantik kami untuk bertindak bagi pihak mereka untuk melabur dan menguruskan Dana Takaful Am. Sebagai ejen, kami berhak menerima Fi Wakalah sebagai caj perkhidmatan. Fi Wakalah adalah seperti berikut:

Butir-butir	(% daripada sumbangan)
• Diskaun diberi kepada peserta	10%
• Perbelanjaan pengurusan	Sehingga 20%
Jumlah Fi Wakalah	Sehingga 30%

**Tabarru'**

Pelan ini juga menggunakan konsep Tabarru', di mana para peserta bersetuju untuk membayar sumbangan mereka kepada Dana Takaful Am bagi tujuan saling bantu membantu dan menolong mana-mana peserta lain yang memerlukan bantuan. Pada akhir setiap tahun kewangan, sebarang lebihan dalam Dana Takaful Am, tolak pembayaran balik defisit bersejarah dan peruntukan luar jangka, diagih 50% di kalangan peserta dan 50% kepada kami kerana mengendalikan dan menguruskan Dana, berasaskan kontrak Ju'alah. Ju'alah adalah kontrak yang menentukan pengagihan perkongsian lebihan. Jika lebihan itu kurang daripada RM10.00, lebihan itu akan dimasukkan ke dalam tabung kebajikan yang akan digunakan sebagai 'amal jariah' bagi pihak peserta.

**3. Apakah jenis-jenis perlindungan/manfaat yang diberi?**

Sijil ini melindungi:

- Kecederaan badan dan kematian Pihak Ketiga;
- Kerugian atau kerosakan harta benda Pihak Ketiga; dan
- Kerugian atau kerosakan terhadap kenderaan anda akibat kebakaran yang bukan disengajakan, kecurian atau kemalangan

Pilihan manfaat tambahan yang boleh anda pilih dengan membayar sumbangan tambahan:

- Kerosakan cermin kenderaan;
- Perlindungan liabiliti penumpang;
- Kerosakan akibat banjir, ribut dan ribut kencang;
- Pampasan untuk Kehilangan Penggunaan;
- Pampasan Diskaun Tanpa Tuntutan (DTT) semasa;
- Aksesori kenderaan;
- Perlindungan Penyemburan Semula Kereta;
- Perlindungan Penggantian Kunci Pintar; atau
- Perlindungan Alat-alat Ganti Baru

Ia adalah satu kesalahan di bawah undang-undang Republik Singapura jika memasuki negara tersebut tanpa menambah perlindungan liabiliti penumpang kepada Takaful Kenderaan Persendirian anda.

Tempoh perlindungan adalah satu tahun. Anda perlu memperbaharui sijil takaful setiap tahun.

**Nota:** Sila rujuk kepada sijil takaful untuk maklumat lanjut.

**4. Berapakah jumlah sumbangan yang perlu saya bayar?**

Jumlah sumbangan yang perlu anda bayar adalah berbeza bergantung kepada amaun yang dilindungi, buatan dan model kenderaan anda, umur anda, pengalaman tuntutan lepas, kelayakan Diskaun Tanpa Tuntutan (DTT), pilihan manfaat tambahan dan keperluan pengunderaitan kami.

**Contoh Pengiraan:**

Pemegang sijil persendirian

Usia Kenderaan	:	5 tahun
Kapasiti Enjin	:	1500 cc
Amaun yang dilindungi	:	RM 30,000.00
Kelayakan Diskaun-Tanpa-Tuntutan	:	30%
Manfaat Tambahan	:	Kerosakan cermin kenderaan dengan amaun RM 500.00

Anggaran jumlah sumbangan yang perlu anda bayar ialah RM 795.43 seperti berikut :

Sumbangan Asas	:	RM1,069.00
Tolak 30% Diskaun-Tanpa-Tuntutan	:	<u>RM 320.70</u>
		RM 748.30
Tambah Manfaat Tambahan (Kerosakan cermin kenderaan)	:	<u>RM 75.00</u>
	:	RM 823.30
Tolak 10% Diskaun kepada Peserta	:	<u>RM 82.33</u>
	:	RM 740.97
6% SST	:	<u>RM 44.46</u>
Jumlah Sumbangan	:	RM 785.43
Tambah Duti Setem	:	<u>RM 10.00</u>
Jumlah Sumbangan perlu di bayar	:	<u>RM 795.43</u>

Semua sumbangan (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuasa cukai Malaysia. Adalah penting untuk anda menyimpan apa-apa resit yang anda terima sebagai bukti pembayaran sumbangan

**5. Apakah yuran dan bayaran yang saya perlu bayar?**

Jenis	Amaun (RM)
Cukai Jualan dan Perkhidmatan	6% daripada sumbangan
Duti Setem	10.00

**6. Apakah terma-terma dan syarat-syarat penting yang harus saya ambil perhatian?**

**Keputusan Pendedahan**

- Menurut Perenggan 5 daripada Jadual 9 Akta Perkhidmatan Kewangan Islam 2013, jika anda memohon takaful ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Permohonan (atau semasa memohon takaful ini). Anda dikehendaki menjawab soalan-soalan dalam Borang Permohonan ini dengan lengkap dan tepat.
- Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak takaful anda, keengganan atau pengurangan gantirugi, perubahan terma atau penamatan kontrak takaful anda.
- Kewajipan pendedahan diatas hendaklah diteruskan sehingga kontrak takaful anda dimeterai, diubah atau diperbaharui dengan kami.
- Sebagai tambahan kepada soalan-soalan di dalam Borang Permohonan (atau semasa memohon takaful ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
- Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak takaful anda ditandatangani, diubah atau diperbaharui dengan kami (atau semasa permohonan takaful ini), apa-apa maklumat yang dinyatakan dalam Borang Permohonan tidak tepat atau sudah berubah.

**Kurang / Lebih Perlindungan Takaful** - Anda mesti memastikan kenderaan anda dilindungi pada amaun yang berpatutan.

**Ekses Sijil**, iaitu jumlah kerugian yang perlu anda tanggung sekiranya kenderaan anda rosak akibat kemalangan.

**Ekses Wajib** - Di mana anda juga terpaksa menanggung ekses tambahan sebanyak RM400 jika anda atau orang yang memandu kereta anda:

- berumur bawah 21 tahun;
- pemegang lesen memandu sementara (P) atau percubaan (L); atau
- tidak dinamakan di dalam Jadual sijil sebagai pemandu yang dinamakan.

**Bayaran Sebelum Perlindungan (CBC)** - sumbangan hendaklah dibayar kepada kami sebelum tarikh perlindungan sijil dikuatkuasakan.

**Tuntutan** - Jika anda ingin membuat tuntutan, berikut adalah apa yang perlu anda lakukan:

- Buat laporan kepada pihak polis dalam tempoh 24 jam selepas kemalangan.
- Maklumkan kepada kami secepat mungkin kemalangan atau kerosakan yang berlaku bagi setiap tuntutan yang ingin dibuat di bawah sijil anda. Makluman boleh dilakukan secara bertulis atau melalui panggilan telefon ke talian Khidmat Pelanggan kami 1300 88 1007.
- Penambahbaikan (Betterment) akan digunakan untuk kenderaan anda yang berumur 5 tahun ke atas.
- Lengkapkan dan hantar borang tuntutan bersama dokumen sokongan yang lain secepat mungkin

**Nota:** Senarai ini adalah tidak menyeluruh. Sila rujuk sijil takaful untuk melihat keseluruhan terma dan syarat.

**7. Apakah pengecualian-pengecualian di bawah sijil ini?**

Sijil ini tidak melindungi kerugian tertentu seperti:

- Kematian anda atau kecederaan badan sendiri akibat kemalangan kenderaan;
- Liabiliti anda terhadap tuntutan daripada penumpang di dalam kenderaan anda;
- Kerugian, kerosakan atau liabiliti yang berlaku daripada tindakan alam semulajadi, contoh banjir, ribut atau tanah runtuh; dan
- Kerugian sampingan, susut nilai, kegunaan biasa, karat dan hakisan, kerosakan mekanikal atau elektronik, kegagalan atau pecahan, peralatan atau program komputer yang gagal berfungsi.

**Nota:** Senarai ini adalah tidak lengkap. Sila rujuk sijil takaful untuk senarai penuh pengecualian di bawah sijil ini.

**8. Bolehkah saya membatalkan sijil saya?**

Anda boleh membatalkan sijil dengan memberi notis bertulis dan menyerahkan Sijil Takaful asal anda kepada kami. Pembayaran balik sumbangan akan tertakluk kepada syarat-syarat yang ditetapkan di dalam sijil.

**9. Apa yang patut saya buat sekiranya ada perubahan maklumat?**

Adalah penting untuk anda menghubungi kami bagi sebarang perubahan maklumat bagi memastikan segala surat-menyurat sampai kepada anda tepat pada masanya.

**10. Di manakah saya boleh mendapatkan maklumat lanjut?**

Sekiranya anda memerlukan maklumat lanjut berkaitan takaful motor, sila rujuk buku panduan maklumat infoinsurans yang boleh didapati di semua cawangan kami atau layari laman web [www.insuranceinfo.com.my](http://www.insuranceinfo.com.my).

Sekiranya anda mempunyai sebarang pertanyaan, sila hubungi kami melalui e-mel di [info@etiqa.com.my](mailto:info@etiqa.com.my), dengan menghubungi Etiqa Online 1300 13 8888 atau +603 2297 3888, melalui faksimile ke +603 2297 3800, atau secara pos ke Etiqa General Takaful Berhad (1239197-A) (Dilesenkan dibawah Akta Perkhidmatan Kewangan Islam 2013 dan dikawal selia oleh Bank Negara Malaysia), Aras 13, Menara B, Dataran Maybank, No 1, Jalan Maarof, 59000 Kuala Lumpur atau melayari laman utama kami di [www.etiqa.com.my](http://www.etiqa.com.my).

Jika anda mempunyai aduan, pertikaian atau maklum balas berkaitan permohonan ini, sila hubungi unit aduan kami melalui e-mel di [cmu@etiqa.com.my](mailto:cmu@etiqa.com.my), dengan menghubungi 1300 13 8888 dari Malaysia atau +603 2780 4500 dari luar negara, melalui faksimile ke +603 2785 3093, atau secara pos ke Unit Pengurusan Aduan, Aras 5, Menara B, Dataran Maybank, No 1 Jalan Maarof, 59000 Kuala Lumpur.

Jika anda tidak berpuas hati dengan cara pengendalian kami, anda boleh merujuk kepada Bank Negara Malaysia melalui e-mel di [bnmtelelink@bnm.gov.my](mailto:bnmtelelink@bnm.gov.my), dengan menghubungi 1300 88 5465, melalui faksimile ke +603 2174 1515, atau secara pos kepada Pengarah, Jabatan LINK & Pejabat Wilayah, Bank Negara Malaysia, Jalan Dato' Onn, 50480 Kuala Lumpur.

Jika anda mempertikaikan keputusan yang telah dibuat oleh kami, anda boleh merujuk kepada Ombudsman Perkhidmatan Kewangan Biro Pengantaraan Kewangan melalui e-mel di [enquiry@ofs.org.my](mailto:enquiry@ofs.org.my), dengan menghubungi +603 2272 2811, melalui faksimile ke +603 2272 1577 atau secara pos kepada Ketua Pegawai Eksekutif, Ombudsman Perkhidmatan Kewangan (Dahulu dikenali sebagai Biro Pengantaraan Kewangan) Tingkat 14, Blok Utama, Menara Takaful Malaysia, No 4, Jalan Sultan Sulaiman, 50000 Kuala Lumpur.

**11. Lain-lain jenis perlindungan takaful motor yang boleh didapati**

Sila rujuk kepada kami untuk jenis perlindungan serupa yang ditawarkan.

**NOTA PENTING:**

**ANDA HENDAKLAH MEMASTIKAN KENDERAAN ANDA DILINDUNGI DENGAN NILAI YANG BERPATUTAN KERANA IA AKAN MENENTUKAN JUMLAH YANG BOLEH ANDA TUNTUT. JIKA BERLAKU KEMALANGAN, ANDA DINASIHATKAN SUPAYA BERURUSAN DENGAN BENGKEL YANG DILULUSKAN. JIKA ANDA MEMILIKI PERLINDUNGAN KOMPREHENSIF DAN ANDA TIDAK BERSALAH DALAM KES KEMALANGAN INI, ANDA DINASIHATKAN SUPAYA MENYERAHKAN TUNTUTAN ANDA KEPADA PENGENDALI TAKAFUL ANDA. ANDA HARUS BACA DAN FAHAMI KANDUNGAN SIJIL TAKAFUL DAN HUBUNGI KAMI UNTUK MAKLUMAT LANJUT.**

Maklumat yang terkandung dalam helaian pendedahan ini adalah sah pada 01/09/2018.